

獨
醉
亭
集

國朝年表

獨醉亭集

四庫全書珍本初集
別集
集類部

詳校官編修_臣翟槐

中書_臣劉源溥覆勘

商務印書館
部中央圖書館
處委託景印
物院所藏文
新開本

欽定四庫全書

集部六

獨醉亭集

別集類五明

提要

臣等謹案獨醉亭集三卷明史謹撰謹字公謹崑山人洪武初以事謫居雲南後用薦為應天府推官降補湘陰縣丞尋罷歸僑居金陵以終是集蓋謹所自編但以體分不題卷數自武當八景以下九十三首則題曰遺稿

疑謹沒以後其後人掇拾晚年所作附於集
末然中有經人鮪甕詩謁黔寧王廟詩則皆
在謫雲南時又有雪酒為金粟公賦詩金粟
道人為顧阿瑛別號則元末明初之作亦在
其中殆襍採佚篇不復甄別觀所載題畫之
詩特多必丹青手跡一一錄入矣今以原本
所有亦併存之與謹所自定諸詩共釐為三
卷其詩不涉元季縟靡之習亦不涉宋季酸

腐之調平正通達而神采自然高秀在明初
可自為一家偶桓選乾坤清氣集號為精鑒
其論詩多否少可而此集有送桓詩及題桓
家攬勝樓詩二人契分頗深則謹之詩格可
見矣乾隆四十三年九月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

總校官進士臣繆琪

校對官助教臣胡予襄

膳錄貢生臣苗序洙

欽定四庫全書

獨醉亭集卷上

明 史謹 撰

五言古詩

遊吳氏耕樂軒

延陵有一士卜壤螺山陬松蘿蔭層軒桑麻被崇邱忻
然遂棲息焉用營菟裘朝耕隴頭雲暮飯欄中牛心曠
市朝遠地偏松菊幽良時恒見招探玩成久留我非荷

蓀羣子焉沮溺流青雲一蹭蹬虞坂淹驂騑
眷茲以爲托所貴良無憂

登仲宣樓

我來自東吳萬里赴西蜀道經江陵縣故舊延我宿
置酒城南樓慇懃慰飄泊仲宣不可招景昇恒寂寞
憑高啟煩襟原野聊縱目前程既修阻後會安可卜
少長各盡歡盃行敢辭速彼此曠達士焉能受羈束
浩歌發清商涼飈振林木矯首望中原青雲猶漠漠
安得羽翼齊

飛翔接鴻鵠

遊郭氏隱居

結廬面青山，藩籬帶林莽。
悠然遠塵境，吟玩恣心賞。
嘉樹蔭芳池，玄蟬發清響。
遂茲平生懷，豈在軒楹敞。
榴紅映扉吐，苔綠緣階上。
嗟我行路人，適來解塵鞅。
取君鳴琴彈，聊慰烟霞想。

高唐驛

久客厭舟居，衝寒步沙磧。
披榛得微路，偶值高唐驛。
窓

前十二峰峨峨倚天碧其左連荆衡其右控梁益宋玉
不可招陽臺渺無迹驛樓枕其下弘敞冠斯邑驛宰吾
故人相逢話疇昔邀我向茅茨問我今何適慷慨具殽
酒侯鯖雜梨栗情真覺易醉出門衆山夕猿鳥互哀鳴
松風亦蕭瑟雖云志四方還洒楊朱泣

摩尼嶺

昔聞摩尼嶺今次摩尼驛自分天地來險障西南域山
高日色冷悲風慘松栢人烟渺何處我心恒戚戚空畏

豺虎殄行人自相食吁嗟微命存苦被瘴癘襲生者含
瘡痍死者委荆棘骨肉不相保棄擲如瓦礫眷茲飄零
際沈痛迫胸臆去家日已遠前程杳難極蔽體無完衣
充腸但梨栗徘徊秋風前倚劒三歎息

下馬坡

危峰戴孤驛微路掛絕頂蕭蕭林影交慘慘日色冥經
過必下馬同行不堪並雖云有騏驥健步何由騁俯首
視平川落落深如窞顧茲間關際豈不念鄉井少憩嘉

木陰神魂覺蘇醒松風蕭瑟來吹我衣裳冷緬想青雲
衢默默徒延哽

夏日睡起

清夏晝方永齋居寡紛縈高樹落圓陰好鳥流遠聲對
此孰云遣睡恬愜中情非效宰予寢自得莊周靈適與
幽獨會栩栩夢友生正叙契濶言覺來邈無憑處世固
如此慎勿勞吾形

過黑松塹

盤盤萬松塹山勢如井陘連峰枕其外險阻由天成層
陰蔽長空日影寒易傾悲風四邊起猿鳥相哀鳴我從
中國來至此心魂驚骨肉雖在眼相看共吞聲慚爲阮
生慟努力趣前程西南露天光喜若辭幽冥穿雲摘橡
栗遠趣狙公行辛酸不忍棄所賴全吾生俯首視大荒
山要值郵亭隔林見酒家百錢沽一升價高亦不辭吾
將慰飄零

七言古詩

宿山家

落葉飄紅覆茅屋曉步層岡縱吟目前山後山相倚伏
東村西塢皆樵牧童穉長閑稅糧足身無羈絆如野鹿
白頭老翁過淳朴邀我松陰具醽醁盤中之殽但黃獨
自云僻處非城郭勸我加飧當梁肉物雖傷廉情匪薄
醉來欲卧無茵褥夢繞烟蘿枕雲宿

九江周廣文松隱軒

濂溪雲孫號松隱平生愛松不愛窘一軒深構萬松間

掌管林泉事幽屏常嗔稚子問生涯每接山翁醉吟詠
老鶴梳翎立故巢閑雲不雨棲高頂昔年約我爲比隣
青袍尚被烟霞身今日經過縱談笑坐我石磴如巢雲濤
響應疑九江濶勢高不見廬山尊乃知梁棟在郊數未入
廊廟隨荆榛忽辱高情慰懷抱日暮開筵面芳草東風
吹雨過林梢一片徂徠碧雲繞

卧遊軒爲曾日章賦

先生足迹半天下行高翻覺交遊寡萬里相逢滇海濱